

Josip Juratović, član vladajućeg SPD-a u Bundestagu: Banjalučani, imate li višje

12/01/2017 11:33 by Administrator

Član vladajućeg SPD-a u njemačkom Bundestagu Josip Juratović reagirao je u izjavi za "Avaz" burno na obilježavanje 9. januara u Banjoj Luci te na poruke koje su proistekle s tog događaja. Prvobitno se osvrnuo, kako kaže, na instrumentaliziranje veterana za iduću godinu, u rečima predsjednika RS Milorada Dodika.

Â

Ponovo ginuti - Htio bih te veterane zamoliti da se zamisle ko ih pokušava ponovo instrumentalizirati. ...ele li biti za političkih kriminalaca BiH koji prave politiku proćlosti da bi osigurali vlastitu budućnost i budućnost svoje djece? Jer, ti veterani sigurno više ne drže puške u rukama, već je to eventualno biti njihova djeca. Jesu li se oni borili za to da njihova djeca ponovo moraju ginuti - upitao je Juratović. Smatra da je 9. januar "zloupotrijebljen za prikrivanje političke nesposobnosti, a sve radi stvaranja tenzija". - Ekonomska i socijalna situacija u BiH je katastrofalna, pa bih upitao Banjalučane je li im poslije tog mimohoda bolje. Imaju li više plaće, jesu li im djeca sigurnija? Ipak, vidjelo se da je na događaju u Banjoj Luci bio prisutan veoma mali broj građana. Ja vjerujem da narod dublje razmišlja nego što bi to lideri rado imali - istakao je Juratović. On upozorava da se stvara klima koju je, kako kaže, i sam 1988. ili 1989. godine već doživio. Dosta je bilo - Političke strukture stvaraju permanentno klimu napetosti. Pitanje je vremena kada će neki radikal napraviti jedan incident na koji će se ostali radikali pozvati. Zato je sada bitno da se napravi rez. Da se konačno kaže: "Dosta je više bilo", da se jasno kaže da je taj politički stil ništa drugo nego da bi se zaštitili politički kriminalci u BiH, kojima je jasno da će, ako BiH uđe u EU, oni završiti pred sudom - rekao je Juratović za naš list. Srbija i Hrvatska moraju se distancirati od nacionalizma u BiH Osvrćući se na prisutnost predsjednika Srbije Tomislava Nikolića na prekjučerašnjem događaju u Banjoj Luci, Juratović kaže da se "ne može voditi politika na način da se govori - mi se ne miješamo u suverenitet susjedne zemlje, a onda u isto vrijeme političari idu na teren i poručuju - nemojte se plašiti, mi ćemo vas štititi". - Očekujem jasno distanciranje od svake vrste nacionalizma u BiH. To, prije svega, očekujem od Hrvatske, ali i od Srbije - zaključio je Juratović.

Autor: A. DUŠIĆ

Izvor vijesti: avaz.ba